

ԾԱԽՍԱԲԱԺԻՆ

Ի՞նչ է ծախսաբաժինը:

IHSS-ի ծառայություններ ստացող շատ մարդիկ գանոնք կը ստանան իբրև իրենց Medi-Cal-ի նպաստներուն մէկ մասը: Այդ մարդոց մէկ մասը պէտք է ամսական որոշ գումար մը վճարէ իր Medi-Cal-ի ծախսերուն դիմաց: Ծախսաբաժինը (Share of Cost, SOC) այն դրամն է, որ IHSS ստացողը/գործատէրը ամսական պէտք է վճարէ իր IHSS-ի մատակարարին/գործաւորին: Ծախսաբաժինը (SOC) թոյլ կուտայ, որ աւելի բարձր եկամուտ ունեցող անձ մը IHSS ստանայ, եթէ ան ծախսի իր բաժինը վճարէ: Ծախսաբաժինը (SOC) կը նմանի անձնական ապահովագրութեան մասնավճարին: Ձեր ստացողը/գործատէրը կրնայ վճարել ձեզ կամ վճարել ծախսաբաժինին (SOC) դեղարանին, երբ բժիշկի այցելութեան կամ Medi-Cal-ին կողմէ լիազօրուած ծախսեր ընէ:

Իբրև IHSS-ի մատակարար, Ծախսաբաժինը ինչպէ՞ս կ'ազդէ իմ վրաս:

Եթէ ձեր ստացողը/գործատէրը ծախսաբաժին (SOC) ունի, գումարը կ'երեւայ ձեր ժամաթերթիկին վրայ «Ծախսաբաժինի Պարտաւորություն» բաժինին տակ: Դուք կրնաք ձեր վճարումներէն մաս մը ստանալ նահանգէն կամ՝ դուք կրնաք ձեր բոլոր վճարումները ստանալ նահանգէն: Այն գումարը որ դուք կը ստանաք ձեր ստացողին/գործատէրէն և/կամ նահանգէն ամէն վճարման շրջան կրնայ տարբեր ըլլալ կախեալ այն բանէն, որ արդեօք ձեր ստացողը/գործատէրը իր ծախսաբաժինը (SOC) այլեւայլ բժշկական ծախսերու համար կը վճարէ նախքան այդ շրջանի ձեր ժամաթերթիկին գործադրուիլը: Եթէ ձեր ստացողը/գործատէրն ունի մէկէ աւելի IHSS-ի մատակարար/գործաւոր, անոնք չեն կրնար ընտրել, թէ իրենց ծախսաբաժինը (SOC) որ մատակարարին կը վճարուի: Որեւէ ծախսաբաժին (SOC) որ անոնք վճարած չեն կը հանուի այն IHSS մատակարարողին ժամաթերթիկէն, որ առաջինը կը գործադրուի նահանգին կողմէ:

Օրինակ.

Տիկ. Սմիթ Յունիս ամսուան համար \$200 ծախսաբաժին (SOC) ունի:	\$200
Ան իր բժիշկին կ'այցելէ ամսուն 5-ին և \$50 կը վճարէ:	-\$50
Ան դեղերը կ'առնէ ամսուն 6-ին եւ դեղարանին կը վճարէ \$60:	-\$60
Անոր մատակարարը իր ժամաթերթիկը կը ներկայացնէ ամսուն 16-ին:	
Տիկ. Սմիթին ծախսերուն ամբողջ գումարն է \$50 + \$60 =	\$110
Տիկ. Սմիթ իր IHSS-ի մատակարարին/գործաւորին պէտք է վճարէ \$90:	\$90

Օրինակ.

Պրն. Լի Յունիս ամսուան համար \$100 ծախսաբաժին (SOC) ունի:	\$100
Ան իր բժիշկին կ'այցելէ ամսուն 5-ին և \$75 կը վճարէ:	-\$75
Ան դեղերը կ'առնէ ամսուն 6-ին եւ դեղարանին կը վճարէ \$25:	-\$25
Պրն. Լիին ծախսերուն ամբողջ գումարն է \$75 + \$25 =	\$100
Անոր մատակարարը իր ժամաթերթիկը կը ներկայացնէ ամսուն 16-ին:	
Պրն. Լի վճարած է իր ծախսաբաժինը: Նահանգը պիտի վճարէ անոր IHSS-ը ամբողջութեամբ:	\$0

Յաւելեալ տեղեկութեան համար որո՞ւ հետ կ'ապուիմ:

- ✓ Առողջապահական Խնամքի Ծառայություններու Բաժանմունքին՝ <http://www.dhcs.ca.gov/Pages/default.aspx>:
- ✓ Գալիֆորնիոյ Medi-Cal-ի Ծառայություններու Կեդրոնին՝ (916) 636-1200:
- ✓ Medi-Cal-ի Ինքնագործ Հեռաձայնի Կեդրոնին՝ (800) 786-4346: